



# Plata dla Ploania Rina



Ploan: siur Klaus Sottas: 3441554055

Curat: siur Paul Campej: 3807345533

Mone: Carlo Ferdigg: 3392612471

[www.unitepastorala.org](http://www.unitepastorala.org)

2022 Ann C		19.06.2022 – 26.06.2022		n.30
De		Ora	Messa	
<b>FESTA DLES ANTLES</b> <i>(Eucarestia)</i> <i>oferta por l'orghelist.</i>	<b>19.06</b>	<b>8.00!!</b>	<b>Prozesciun eucaristica y Messa solena a onur dl'Eucarestia</b> por la comunité; fam. Roland Vigg (rengraz.); †† Milia y Davide Promberger; †† Fonjo y Iule Huber, † Alfons Castlunger; †† de Poldele	
<b>MERTESC</b> <i>s. Luije da Gonzaga</i>	<b>21.06</b>	<b>19.15</b>	<b>s. Messa</b> †† Angel y Caterina Pedevilla; † Doris Huber	
<b>MERCUI</b> <i>ss. John Fischer y Thomas Morus</i>	<b>22.06</b>			
<b>JÖBIA</b> <i>nativité de s. Jan Batista</i>	<b>23.06</b>	<b>07.30</b>	<b>s. Messa</b> † Angelina Ferdigg; †† Iule y Heinrich Castlunger; † Zelestin Pedevilla	
<b>SABEDA</b>	<b>25.06</b>	<b>20.30</b>	<b>Liturgia dla Parora por vocaziuns-dedô prozesciun</b> cun les ciandëres/linternes-  <b>iluminaziun dl paîsc</b>	
<b>FESTA DL CÖR DE GEJÚ</b> <i>Festa a nosc curat siur Paul Campej y segra da Rina</i>  <i>füc da sera</i>	<b>26.06</b>	<b>09.00</b>	<b>Ingres solene cun S.Mëssa de rengraziamont dl 50° aniversar da prou de siur Paul Campej y por perié do vocaziuns dedô prozesciun cun le SS. Sacramont</b>	

Notizies y info por la plata: [plata.ploaniarina@gmail.com](mailto:plata.ploaniarina@gmail.com) de jö entro n jöbia da misdè

# FESTA DE IUBILEO DE 50 AGN DA PROU DE SIUR PAUL CAMPEI:



## program:

**sabeda, 25 de jügn** dales 20.30:

- Liturgia dla Parora y dedô prozesciun cun ciandëres/linternes (cina sö dala ota de Hones)
- iluminaziun dl paîsc

**domëgna, 26 de jügn** dales 9:00:

- salüde dan scora
- ingres te dlijia adöm ales uniuns de dlijia, musiga, ministronc cun prou y comunité
- S.Mëssa solëna cun siur Paul
- Prozesciun cun i dui Vangeli (la prozesciun vën slüta jö te dlijia)
- Dedô festa ennant jö te plaza de scora
- intratenimont da pert di cors dl paîsc y dla „Böhmische“ y sté en pü adöm al iubilar

la Musiga dá fora da mangé y da bëre

N **gran dilan** a dotes ches porsones, che é stades jö de so tomp lëde y s' é abinades, cöst'edema, a laé la dlijia cun tröpa bona orenté y dediziun. Ares ti á fat ensciö nia ma n gran sorvisc a Chël Bel Die, mo ince a döta la comunité!

I un na gran ligrëza y al s' al dá propi, da podëi jí endô te nosta bela dlijia, nëta y puzenada de vigne vers, sën por les gran festes de dlijia che nes aspeta.

Le Consëi de Cöra

**Musiga da Rina:** La Musiga da Rina invieia der bel ala Segra, che ven tignida **ai 25 y 26 de jügn.**

La sabeda sera dales 18:00 metun man cun n' aperitif luch y musiga dal ví cun "The Lady and the Gentleman".

La domenia do la S. Messa metun man cun musiga cun la "Welschell'ner Böhmische" y liagnes blances. Domisdè él la Musiga da S. Martin de Tor che fej n concert y dales 16:00 nant él musiga da bal cun "Feiwolawi".

Samben saral ince de vigne sort da mangè y da bere."

**Scolina da Rina:** Cun l'aziun de solidarieté el gnü trat ite la bela soma de 405 € che ti é gnöda surandada ai responsabli dl Hotel Mondschein, che ospiteia families dl Ucraina por cumpré alimentars. A düc der bel DILAN!

**Preparaziun al bato:**

INVIT a düc i geniturs che á na picia müta, o n pice möt da batié, përs che aspeta, toc y totes de nosc Decanat, **ala preparaziun dl Bato**, che vëgn tignida en **sabeda ai 9 de messé, 2022, dales 15.00 ales 17.00, tl salf de colonia, a CORVARA.**

Se inconfortun da se udëi tröc partecipanc y stlújarun jö cun sté ciamó n pü adüm a s' la cunté y cun n pic renfresch, che l' Uniun dles ères da Calfosch nes arjignará ca, y ti dijun bel danfora n bel Giulan!

Prenotaziuns al numer 328/0717796.

## INFORMAZIUNS PLOANIA

<b>LETURS:</b> SABEDA FESTA CÖR DE GEJÚ	25.06. 26.06.	Vigg Manuela Mellauner Maria Teresa
<b>MINISTRONC:</b> EDEMA FESTA CÖR DE GEJÚ	20- 25.06. 26.06.	Daniel R., Matthias Samuel, Dominik, Daniel D., Andrea, Maddalena, Petra

## INFORMAZIUNS DESVALIES

### Crusc Blanca Al Plan:

La Crusc Blanca d'Al Plan inviëia düc i interesciá ai 01 de messé dales 20:00 tl salff dla Cassa Raiffeisen a Al Plan, a na sëra de informaziun sura le laur dai volontars pro la Crusc Blanca te vigne setur. Al se fajess dër plajëi da ves udëi in tröc. Ví ince tö, tolete n/na cumpagn/a para y diventa volontrar/a.

**Biblioteca "Angelo Trebo" Al Plan:** Al vën lascé alessëi che la biblioteca sará slüta dai 20.06 ai 03.07.2022

**Ciasa de Palsa:** Regolamënt por gní a ciagé i ghescé, varënt **dai 13.06.2022 inant**. Al é indô la poscibilité da gní a ciagé i berbesc y les mëdes, **sënza prenotaziun**, mo respetan chësc regolamënt:

Azes ala Ciasa de Palsa ma cun „**pass vërt**“ **renforzé:**

- a) stlüt jö le ziclus primar de variaora + booster
- b) stlüt jö le ziclus primar de variaora + test negatíf
- c) varijun + test negatíf

Chësc vëgn controlé vigni iade al'entrada da n automat che relascia n zetl cun inom, data y orar. Chësc vëgn damané do tla strotöra da pert dl personal.

**Al intern dla strotöra** val debojëgn d'en mascherot, almanco chirurgich.

Al é indô la poscibilité da jí te repart olache **al vëgn perié da sté, tan inant ch'ara vá, te ciamena** y adoré le manco poscibl i gran salamënc.

**Al vëgn aconsié da jí le plü ch'ara vá alaleria!!**

Prëibel tigní ite i orars de palsa di ghësc (11:30 – 14:00)

Al vëgn recordé che la Ciasa de Palsa é na strotöra che á da n'en fá cun jënt sensibla. I periun porchël da se tigní avisa ales regoles.

La Ciasa de Palsa, les mëdes y i berbesc se conforta sön Osta vijita!